



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

23. De Officio Archi-Diaconi

[urn:nbn:de:hbz:466:1-63433](#)

TITULUS XXIII.

De Officio Archi-Diaconi.

Q. 1. *Quis dicitur Archi-Diaconus?* *Resp.* 1. *Archi-Diaconus*, Græca vox, *primum seu Principem Diaconorum significat.* Primis Ecclesiæ temporibus Archi-Diaconus ille dicebatur, qui ex 7. Diaconis in singulis urbibus, quibus Episcopus præficiebatur, constitui solitus, ceteris erat antiquior; ad quos & ad Hypodiaconos solos Archi-Diaconi potestas se extendebat. Postea Archi-Diaconatus prima post Episcopalem dignitas (scil. strictè dicta) fuit in Ecclesia Cathedrali, extendente se Archi-Diaconi potestate ad universum Clerum sacerdotalem c. i. b. t. ita ut licet Ordine minor, major tamen jurisdictione fuerit Archi-Presbytero. Hodie cuiuslibet Ecclesiæ consuetudo attenditur, quâ factum, ut alicubi nullus sit Archi-Diaconus, sed ejus subeat officium Archi-Presbyter, Officialis, aut Vicarius Generalis; alibi nomen tantum gerat cum præminentia, sed absque jurisdictione; ubi adhuc observatur jus commune.

Resp. 2. *Diffrerit Archi-Diaconus à Vicario Generali, quod, licet uterque vices Episopi in foro externo suppleat, Archi-Diaconus tamen sit Vicarius Episopi natus, intitulatus, perpetuus; Vicarius Generalis solummodo datus & temporalis.* 2. *Quod jurisdictione Archi-Diaconi directe & in specie descendat à jure, non jurisdictione Vi-*

carii Generalis. 3. Quod Archi-Diaconus subordinatam quidem Episcopo, propriam tamen habeat jurisdictionem & proprium tribunal ab Episcopi tribunali distinctum; non Vicarius Generalis. c. 3. *in prin. de Apell. in 6.*

Q. 2. Quid Archi-Diaconus vi officii de jure communificare possit, quid non? *Resp.* ad primum i. Cura Archi-Diaconi ad totam diœcesin se extendit. c. 1. h. t. 2. Officium divinum mediante Primicerio recte ordinat. c. 2. h. 3. Habet curam primariam & generalem vasorum sacrorum & thesauri Ecclesiæ. c. 3. h. 4. Restaurat Ecclesias, c. 1. h. t. eásque visitat. c. 6. h. hodie tamen vi Trid. *eff. 24.* c. 3. *de reform.* nonnisi de consensu Episcopi. 5. Quæ corrigenda sunt in Episcopatu, corrigit. c. 9. h. 6. Promovendos ad S. Ordines & beneficia examinat. c. 9. h. t. Trid. statuit *eff. cit. c. 18.* ut per députatos ab Episcopis talia examina fiant. 7. Post decretam ab Episcopo immisionem in possessionem actualiter & corporaliter immitit Abbates, beneficiatos, Abbatissas c. 9. *cit.* 8. Audit iurgia Clericorum, déque iis, & aliis causis levioribus cognoscit & judicat. c. 1. h. t.

Resp. ad 2dum. 1. Sine speciali Episcopi mandato non committit curam animarum, & sic non habet institutionem *authorizabilem.* c. 4. h. t. 2. Non potest dare dimissorias ad fuscipiendo alibi Ordines. c. 8. h. 3. Non habet jurisdictionem in Regulares & monasteria etiam non exempta c. fin. h. t. 4. Non subsunt jure communi & proprio ejus examini cause matrimoniales, crimina-

les,

les, beneficiæ, quæ per Trid. *sess. 24. c. 20. de reform.* reservatæ sunt Episcopo. *s.* Non excommunicat, nec suspendit, aut interdicit. *c. s. b. t.* nisi vel consuetudine vel ab Episcopo obtinuerit, quo sensu intelligitur *c. 7. de præb.*

TITULUS XXIV.

De Officio Archi-Presbyteri.

Q 1. *Quis dicatur Archi-Presbyter?* *Resp.* Qui reliquis Presbyteris in iis, quæ Sacerdotalis officii sunt, cum imperio præest. *c. 1. b. t.* Archi-Presbyter dicitur quasi *primus Sacerdotum*; alio nomine appellatur *Decanus*. Alius est *Archipresbyter Urbanus vel Civitatensis*, qui in civitate Episcopali omnibus Ecclesiæ suæ Presbyteris præest, sive sit *Ecclesia Cathedralis*, sive *Collegiata*. Alius *ruralis sive forensis* (*idem est ac Decanus ruralis*) qui extra civitatem Episcopalem tum plebis, tum Parochorum, aliorumque Clericorum per minores Ecclesiæ & titulos habitantium curam gerit.

Q. 2. *Quodnam sit officium Archi-Presbyteri Civitatensis sive Decani Ecclesiæ Cathedralis?* *Resp.* De jure communi est Vicarius Episcopi natus in pertinentibus ad officia Sacerdotalia, uti Archidiaconus in temporalibus: sic v. g. *absente vel impedito Episcopo* Missarum solennia celebrat. *Collectam*, h. e. Missam ferialem dicit, impertitur benedictiones, inungit infirmos &c. *c. 1. 2. 3. b. t.* In foro interno in Ecclesia Cathedrali eam habet